

Na osnovu člana 30. stava 2. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", br. 2/06, 72/07 i 32/08), premijer Federacije Bosne i Hercegovine donosi

## PRAVILNIK

### O DOPUNI PRAVILNIKA O POLAGANJU STRUČNIH ISPITA IZ OBLASTI ARHITEKTURE, GRAĐEVINARSTVA, ELEKTROTEHNIKE, MAŠINSTVA I SAOBRAĆAJA

#### Član 1.

U Pravilniku o polaganju stručnih ispita iz oblasti arhitekture, građevinarstva, elektrotehnike, mašinstva i saobraćaja ("Službene novine Federacije BiH", br. 9/06 i 6/08) u "Odjeljak 2 Pismeni rad - projektni zadatak" u stavu 2. pod "Građevinarstvo" iza tačke 4. dodaje se nova tačka 5. koja glasi "5. geotehnika".

#### Član 2.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Po ovlaštenju  
Vlade Federacije  
Bosne i Hercegovine  
Premijer  
**Mustafa Mujezinović, s. r.**

Broj 01-02-3-1824/09  
12. januara 2010. godine  
Sarajevo



61

Na osnovu člana 21. Zakona o državnoj upravi u Federaciji Bosne i Hercegovine ("Službene novine Federacije BiH", broj 29/03, 23/04, 39/04, 54/04, 67/05 i 8/06), sekretar Vlade Federacije Bosne i Hercegovine, donosi

## RJEŠENJE

### O IMENOVANJU RADNOG TIMA ZA DEFINISANJE NOVOG UGOVORNOG ODNOSA VLADE FEDERACIJE SA KOMPANIJOM MICROSOFT

1. Imenuje se Radni tim za izradu Ugovora o strateškom partnerstvu Vlade Federacije Bosne i Hercegovine i kompanije Microsoft.
2. Za članove Radnog tima za obavljanje poslova iz tačke I. ovog Rješenja imenuju se:
  1. DANICA GOGALIĆ, pomoćnik sekretara Vlade Federacije Bosne i Hercegovine;
  2. HASMIR SELIMOVIC, pomoćnik sekretara Vlade Federacije Bosne i Hercegovine;
  3. EDINA ZUKIĆ, pomoćnik sekretara Vlade Federacije Bosne i Hercegovine;
  4. MENSURA HASIFIĆ, stručni saradnik u Generalnom sekretarijatu Vlade Federacije Bosne i Hercegovine;
  5. BORIS KATALINIĆ, viši samostalni referent u Generalnom sekretarijatu Vlade Federacije Bosne i Hercegovine.
3. Za predsjednika Radnog tima iz tačke II. ovog Rješenja imenuje se HASMIR SELIMOVIC.
4. Zadatak Timu je da na osnovu iskustva iz provođenja tekućeg ugovora, analize stanja instaliranog softvera u federalnim organima, definiše ciljeve i predloži novi ugovorni odnos sa kompanijom Microsoftom.
5. Administrativno-tehničke poslove za potrebe Radnog tima obavljat će BORIS KATALINIĆ, viši samostalni referent za informatiku i obradu podataka u Sektoru za informatiku Generalnog sekretarijata Vlade Federacije BiH.

6. Radni tim će Vladi FBiH dostaviti Izvještaj o izvršenju Ugovora o strateškom partnerstvu sa Microsoftom za 2007-2009. godine i Prijedlog o načinu uredjenja ugovornog odnosa sa Microsoftom.
7. Radnom timu iz tačke I. pripada pravo na naknadu čija će se visina utvrditi posebnim rješenjem, u skladu sa Odlukom o načinu obrazovanja i utvrđivanja visine naknade za rad radnih tijela osnovanih od strane Vlade Federacije Bosne i Hercegovine i rukovodioca federalnih organa državne službe ("Službene novine Federacije BiH", br. 80/07, 84/07 i 6/08).
8. Ovo Rješenje stupa na snagu narednog dana od dana objavljivanja u "Službenim novinama Federacije BiH".

Broj 03/05-05-560/09

3. jula/srpnja 2009. godine  
Sarajevo

Sekretar Vlade  
**Ismet Trumić, s. r.**

62

Na osnovu člana 21. Zakona o državnoj službi u Federaciji Bosne i Hercegovine ("Službene novine Federacije BiH", broj 29/03, 23/04, 39/04, 54/04, 67/05 i 08/06), sekretar Vlade Federacije Bosne i Hercegovine donosi

## RJEŠENJE

### I.

U Rješenju o imenovanju Radnog tima za definisanje novog ugovornog odnosa Vlade Federacije Bosne i Hercegovine sa kompanijom Microsoft broj 03/05-05-560/2009 od 03.07.2009. godine riječi: "EDINA ZUKIĆ, pomoćnik sekretara Vlade Federacije Bosne i Hercegovine" zamjenjuju se riječima: "ARIJANA STRINIĆ, šef Odsjeka za upravljanje ljudskim resursima u Generalnom sekretarijatu Vlade Federacije BiH".

### II.

Ovo Rješenje stupa na snagu narednog dana od dana objavljivanja u "Službenim novinama Federacije BiH".

Broj 03/05-05-560-1/09

25. januara/siječnja 2010. godine  
Sarajevo

Sekretar Vlade  
**Ismet Trumić, s. r.**

## FEDERALNO MINISTARSTVO FINANCIJA/FINANSIJA

63

Na temelju članka 51. stavak (2) toč. f), h) i i) Zakona o fiskalnim sustavima ("Službene novine Federacije BiH", broj 81/09), federalni ministar financija donosi

## PRAVILNIK

### O REGISTRIRANJU PROIZVOĐAČA/ZASTUPNIKA FISKALNIH SUSTAVA

#### I. OPĆE ODREDBE

##### Članak 1.

Ovim Pravilnikom definiraju se oblik i sadržaj formulara za evidentiranje proizvođača/zastupnika iz članka 15. Zakona o fiskalnim sustavima točka a) ("Službene novine Federacije BiH", broj 81/09, u daljnjem tekstu: Zakon), sadržaj knjige evidencije registriranih proizvođača/zastupnika i odobrenja za fiskalne proizvode i fiskalne sustave i uvjeti sudjelovanja na javnom pozivu za registriranje ovlaštenih proizvođača/zastupnika fiskalnih sustava.